



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐԻ
ՀՐԱՄԱՆ

2043-Ա/2

08.11.2022 թ.

**«ԱՐՏԱՎԱՁԴ ՓԵԼԵՇՅԱՆԻ «ԻՄ ԱՇԽԱՐՀԸ ԵՎ ԴԱՇՏԻ ՄԻԱՍՆԱԿԱՆ
ՏԵՍՈՒԹՅՈՒՆԸ» ՌՈՒՍԵՐԵՆ ԱՇԽԱՏՈՒԹՅԱՆ ՎԵՐԱՆԱՅՎԱԾ ՀՐԱՏԱՐԱԿՄԱՆ»
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ Արտավազդ Փելեշյանի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակման ծրագիրն իրականացնելու նպատակով՝

Հ Ր Ա Մ Ա Յ ՈՒ Մ Ե Մ

1. Հաստատել Արտավազդ Փելեշյանի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168. Արվեստների ծրագրի» «11005. Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Աջակցություն այլ մշակութային միջոցառումների և ծրագրերի իրականացմանը») հատկացնել է 2280.0 հազար (երկու միլիոն երկու հարյուր ութսուն հազար) դրամ՝ Արտավազդ Փելեշյանի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակման ծրագիրն իրականացնելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Հայաստանի ազգային գրադարան» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր),

4. Նախարարության մշակութային ժառանգության և ժողովրդական արհեստների վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմայլանին:

ՎԱՀՐԱՄ ԴՈՒՄԱՆՅԱՆ

X

Հավելված

ՀՀ կրթության, գիտության,
մշակույթի և սպորտի նախարարի
----- 2022 թ.
N -----հրամանի

ԾՐԱԳԻՐ

Արտավազդ Փելեշյանի «Իմ աշխարհը և դաշտի միասնական տեսությունը» ռուսերեն
աշխատության վերանայված հրատարակության աշխատանքների

| | | |
|-----|-------------------------------|--|
| 1 | Կազմակերպության անվանում | «Հայաստանի ազգային գրադարան» ՊՈԱԿ |
| 2 | Կազմակերպության գտնվելու վայր | Երևան, Տերյան 72 |
| 3 | Ծրագրի անվանում | Արտավազդ Փելեշյանի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակում |
| 3.1 | Բովանդակություն | <p>«Իմ աշխարհը և դաշտի միասնական տեսությունը» գեղարվեստական և վավերագրական կինոյի հայտնի ռեժիսոր, սցենարիստ, դերասան, համաշխարհային կինեմատոգրաֆիայի դասական Արտավազդ Փելեշյանի ռուսերեն աշխատությունն է:</p> <p>Սա գիտական աշխատանք է, որը հեղինակից խլել է կես դար, ինչպես նաև ահռելի ջանքեր: Գրքում Փելեշյանը շատ ոլորտների, երևույթների, հասկացությունների է անդրադարձել: Բնության մեջ կան կողավորված երևույթներ, որոնք վերջնական բացատրություն չունեն, իսկ բացահայտումները պայմանական են: Նա գրել է իր մտորումները եգիպտական բուրգերի, ադամանդի, տիեզերքի, երազի, կրոնի, խորհրդանիշերի մասին: Հիմնվել է տարբեր աղբյուրների, կարծիքների վրա, բայց դրանց կողքին ներկայացրել իր տեսակետը, իր մոտեցումներն ու եզրահանգումները: Դրանք մեկնաբանել ու վերլուծել է մանրամասնորեն՝ հիմնավորելով, թե ինչու է հակառակվում գիտության մեջ տարածված, ընդունված թեզերին, կարծիքներին կամ բանաձևերին:</p> |

| | | |
|-----|---------------------------|---|
| 3.2 | Նպատակ | Նախագծի իրականացման նպատակը Արտավազ ֆելեշիպի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակության լույսընծայումն, հեղինակի ժառանգության հանրայնացումն ու արժևորումը: |
| 3.3 | Անցկացման ժամկետ | 2022 թ. նոյեմբեր-դեկտեմբեր |
| 3.4 | Անցկացման վայր | ք. Երևան |
| 3.5 | Ակնկալվող արդյունքներ | Նախագծի վերջնական արդյունքում լույս կտեսնի Արտավազ ֆելեշիպի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակությունը |
| 3.6 | Ոչ ֆինանսական ցուցանիշներ | Արտավազ ֆելեշիպի «Իմ աշխարհը և դաշտի միասնական տեսությունը» ռուսերեն աշխատության վերանայված հրատարակության 500 օրինակ: |